



郁離子

上

口仁  
2507  
2-1





門四三  
號2507  
卷1-2

郁離子序

郁離子者誠意伯劉公在元季時所著之書也。公學足以探三才之奧識，足以達萬物之情，氣足以奪三軍之帥。以是自許卓然立於天地之間，不知自視與古之豪傑何如也。年二十

大正七年七月廿日  
杉八郎 大贈



繁  
當  
作

已登進士第。有志於尊主庇民。當是時。其君不以天下繁念慮。官不擇人。例以常格處之。噤不能有所為。已而南北繹騷。公慨然有澄清之志。藩閩方務治兵。辟公叅贊。而公銳欲以功業自見。累建大議。皆匡時之長策。而當

國者樂因循而悅苟且。抑而不行。公遂弃官。玄屏居青田山中。發憤著書。此郁離子之所以作也。郁離者何。離為火。文明之象。用之。其文郁々然。為盛世文明之治。故曰郁離子。其書總為十卷。分為十八章。散為一百九十



五條多或千言少或百字其言詳於  
正己慎微脩紀遠利尚誠量敵審勢  
用賢治民本乎仁義道德之懿明乎  
吉凶禍福之幾審乎古今成敗得失  
之跡大槩矯元室之弊有激而言也  
牢籠萬彙洞釋群疑辨博奇詭巧於

比喻而不失乎正驟而讀之其鋒凜  
然若太阿出匣若不可玩徐而思之  
其言確然鑿乎如藥石之必治病  
斷乎如五穀之必療饑而不可無  
者也豈若管商之功利申韓之刑名  
儀秦之捭闔孫吳之陰謀其說詭於



聖人務以智數相高而不自以為非者哉。見是書者皆以公不大用為憾。詎知天意有在。挈而畀之。維新之朝。乎。皇上龍興。卒以宏謨偉畧。輔翼興運。及定功。行賞。疏土。分封。遂膺五等之爵。與元勳大臣。丹書鐵券。聯休共

美於無窮。不其盛哉。傳有之曰。楚雖有材。晉實用之。公之謂也。初公著書。本有望於天下後世。詎意身親用之。雖然。公之事業具于書。此元之所以亡也。公之書見于事業。此皇明之所以興也。嗚呼。一人之用舍。有關於天



下國家之故。則是書也。豈區區一家  
言哉。一變蚤嘗受教於公。後謁公金  
陵官寺。出是書以見教。一變駭所未  
見。愧未能悉其要領。今公已薨。其子  
仲璟懼其散軼。以一變於公有相從  
之好。俾為之序。顧一變何敢序公之

書。然得繫名於簡編之末。亦為榮幸。  
因不讓而序之。公諱基。字伯溫。括蒼  
人。若其言行之詳。官勛之次。則具在  
國史。茲不著。

洪武十九年冬十有一月。門生杭州  
府儒學教授天台徐一夔謹序。



有商一  
 卷上  
 一



郁離子卷之上

開國翊運守正文臣資善大夫御史中丞兼弘文館

學士誠意伯青田劉基著

甌粵鄭能拙鄉校刊

千里馬第一

郁離子之馬孳得馱馱焉人曰是千里馬也必致諸內殿  
 郁離子悅從之至京師天子使大僕閱方貢曰馬則良矣  
 然非冀產也真之於外牧南宮子朝謂郁離子曰熹華之  
 山寔是帝之明都爰有紺羽之雛掩而弗朋惟天下之鳥  
 惟鳳為能履其形於是道鳳之道志鳳之志思以鳳之鳴



鳴天下、乘鳩見而謂之曰、予亦知夫木主之與土偶乎、上古聖人以木主事神、後世乃易以土偶、非先主之念慮不周於今之人也、苟求諸心、誠不以貌肖而今反之矣、今子又以古反之、弗鳴則已、鳴必有戾卒鳴之、咬音交然而成音、拂梧桐之枝、入於青雲、激空穴而殷巖峽、吾江切松杉栢楓莫不振柯而和之、橫體豎目之聽之者、亦莫不蠢蠢焉、齧音高切聞而大惕、畏其挺已也、使鸚鵡譏之于王母之使、曰是誰而奇其音、不祥、使鴟日逐之、進幽昌焉、誰委羽于海濱、鷓鴣遇而射之、中脰、音豆幾歿、今天下之不內吾子之不為幽昌而為誰也、我知之矣、

淵本作一

郁離子憂須麋進曰、道之不行命也、夫子何憂乎、郁離子曰、非為是也、吾憂夫航滄溟者之無航也、夫滄溟波濤之所積也、風雨之所出也、鯨鯢蛟蜃於是乎集、夫其負鋒鋌、時連切而含鏹、音各切者孰不有所俟、今不慮也、且夕有動、予將安所適乎、須麋曰、昔者太冥主不周、河洩于其岫、且泐、音勒老童過而憐之、謂太冥曰、山且泐、太冥怒以為妖言、老童退、又以語其臣、其臣亦怒、曰、山豈有泐乎、有天地則有吾山、天地泐、山乃泐耳、欲兵之、老童愕而走、無幾康回過焉、弗肅、又弗防也、康回怒、以頭觸其山、山之骨皆水裂、土隕于潮沮、焉太冥逃、客歿于崑崙之墟、其臣皆

水裂土隕

于潮沮

焉太冥

逃客歿

于崑崙

之墟

其臣



厥家今吾子之憂老童也其若之何

戚之次且謂郁離子曰子何為其垂垂也與子非有願欲於今之人也何為其然也郁離子仰天歎曰小子焉知予哉戚之次且曰昔周之歐冶子早喪其父政屬於家僅沸用賄於是家日迫將改父之舊其父之老不可僅羣詢音始而出之其母禁之僅曰老人不知死而弗自靖也夫以其父之老與其母之言且不聽也而況於疏遠之人乎憂之何補祇自痲音妹也郁離子曰吾聞天之將雨也穴蟻知之野之將霜也草蟲知之知之於將萌而避之於未至故或徙焉或蟄焉不虛其知也今天下無可徙之地可蟄之士

矣是為人而不如蟲也詩不云乎匪鶉匪鳶翰飛戾天匪

鷗匪鮪音潛逃于淵言其無所往也吾何為而不憂哉戚

之次且曰昔者孔子以天縱之聖而不得行其道顛沛窮

厄無所不至然亦無往而不自得不為無益之憂以毀其

性也是故君子之生於世也為其所可為不為其所不可

為而已若夫吉凶禍福天實司之吾何為而自藥哉

郁離子謂執政曰今之用人也徒以具數與抑亦以為良

而倚以圖治與執政者曰亦取其良而用之耳郁離子曰

若是則相國之政與相國之言不相似矣執政者曰何謂

也郁離子曰僕聞農夫之為田也不以羊負軛音阨賈子之



治車也不以豕驂服知其不可以集事恐為其所敗也是故三代之取士也必學而後入官必試之事而能然後用之不問其系族惟其賢不鄙其側陋今風紀之司耳目所察非常之選也儀服云乎哉言語云乎哉乃不公天下之賢而悉取諸世胄昵女栗切 親近也近之都那豎為之是愛國家不如農夫之田賈子之車也執政者許其言而心忤之工之僑得良桐焉斲而為琴弦而鼓之金聲而玉應自以為天下之美也獻之太常使國工視之曰弗古還之工之僑以歸謀諸漆工作斷文焉又謀諸篆工作古篆音為匣而埋諸土暮年出之抱以適而貴人過而見之易之以百

金獻諸朝樂官傳視皆曰希世之珍也一之僑聞之歎曰悲哉世也豈獨一琴哉莫不然矣而不早圖之其與亾矣遂入于宕冥之山不知其所終

王孫濡謂郁離子曰子知荆巫之鬼乎荆人尚鬼而崇祠巫與鬼爭神則隱而臥其偶鬼弗知其誰為之也乃宜列于其鄉鄉之老徃祠見其偶之臥醮而起焉鬼見以為是臥我者也歐之踣而死今天下之臥而弗可起矣而不避焉無益祇取尤耳

郁離子曰一指之寒弗煥則及於其手足一手足之寒弗煥則周於其四體氣脈之相貫也忽於微而至大故疾病



之中人也始於一滕理之不知或知而忽之也遂至於不可救以死不亦悲夫天下之大以一邑不足以為損是人  
之常言也一邑之病不救以及一州由一州以及一郡及其甚也然後傾天下之力以救之無及於病而天下之筋骨  
疏矣是故天下一身也一身之肌肉滕理血脈之所至舉不可遺也必不得已而去則爪甲而已矣窮荒絕徼聖  
人以爪甲視之雖無所不愛而捐之可也非若手足指之不可遺而視其受病以及于身也故治天下者惟能知其  
孰為身孰為爪甲孰為手足指而不逆施之則庶幾乎弗  
俾矣

楚太子以梧桐之實養梟而冀其鳳鳴焉春申君曰是梟也生而殊性不可易也食何與焉宋英聞之謂春申君曰君知梟之不可以食易其性而為鳳矣而君之門下無非狗偷鼠竊之賴之人也而君寵榮之食之以玉食薦之以珠履將望之以國士之報以臣觀之亦何異乎以梧桐之實養梟而冀其鳳鳴也春申君不寤卒為李園所殺而門下之士無一人能報者

周厲王使芮儒稅伯帥師伐戎得良馬焉將以獻于王芮季曰不如捐之王欲無厭而多信人之言今以師歸而獻馬焉王之左右必以子獲為不止一馬而皆求於子子無



以應之則將曉曉馨切于王王必信之是賈禍也弗聽卒獻  
 之榮夷公果使有求焉弗得遂譖諸王曰伯也隱王怒逐  
 芮伯君子謂芮伯亦有罪焉爾知王之瀆貨而啟之芮伯  
 之罪也

燕王好鳥庭有木皆巢鳥人無敢觸之者為其能知吉凶  
 而司禍福也故凡國有事惟鳥鳴之聽鳥得寵而矜客至  
 則羣呀虛加切之百鳥皆不以集也於是大夫國人咸事鳥  
 鳥攫腐以食腥于庭王厭之左右曰先王之所好也一夕  
 有鴟止焉鳥群睨而附之如其類鴟入諱諱荒切于官王使  
 射之鴟死鳥乃呀而啄之人皆醜之

穆天子得八駿以造王母歸而伐徐偃王滅之乃立天閑  
 內外之廄八駿居天閑食粟日石其次乘居內廄食粟日  
 八斗又次居外廄食粟日六斗其不企是選者為散馬散  
 馬食粟日五斗又下者為民馬弗齒于官牧以造父為司  
 馬故天下之馬無遺良而上下其食者莫不甘心焉穆王  
 崩造父卒八駿死馬之良駑莫能差然後以產區焉故冀  
 之北土純色者為上乘居天閑以駕王之乘輿其廄為中  
 乘居內廄以備乘輿之闕戎事用之冀及濟河以北居外  
 廄諸侯及王之公卿大夫及使于四方者用之江淮以南  
 為散馬以通傳服百役大事弗任也其士食亦視馬高下



如造父之舊及夷王之季年盜起內廐之馬當服戎事則皆飽而驕聞鉦鼓而辟易望旆而走乃參以外廐二廐之士不相能內廐曰我乘輿之驂服也外廐曰爾食多而用寡其奚以先我爭而聞于王王及大臣皆右內廐既而與盜遇外廐先盜北內廐又先上以爲功於是外廐之士馬俱懈盜乘而攻之內廐先奔外廐視而弗撓亦奔馬之高足驥首者盡沒王大懼乃命出天閑之馬天閑之馬實素習吉行乃言于王而召散馬散馬之士曰戎事尚力食充則力彊今食之倍者且不克荷吾儕力少而恒勞懼弗肩也王內省而慙慰而遣之且命與天閑同其食而廩粟不

繼虛名而已於是四馬之足交於野望粟而取農不得植其老羸皆殍而其壯皆逸入于盜馬如之王無馬不能師天下蕭然

蜀賈三人皆賣藥于市其一人專取良計入以爲出不虛實亦不過取贏一人良不良皆取焉其賈之賤貴惟賈者之欲而隨以其良不良應之一人不取良惟其多賣則賤其價請益則益之不較於是爭趨之其門之限月一易歲餘而大富其兼取者趨稍緩再暮亦富其專取良者肆日中如宵且食而昏不足郁離子見而歎曰今之爲士者亦若是夫昔楚鄙三縣之尹三其一廉而不獲于上官其公



也無以就舟人皆笑以爲癡其一擇可而取之人不尤其  
取而稱其能賢其一無所不取以交于上官子吏卒而賓  
富民則不待三年舉而任諸綱紀之司雖百姓亦稱其善  
不亦怪哉

北郭氏之老卒僮僕爭政室壞不修且壓乃召工謀之請  
粟曰未聞女姑自食役人告饑泣事者弗白而求賄弗與  
卒不自於是衆工皆慙恚執斧鑿而坐會天大雨霖步廊  
之柱折兩廡既圯次及于其堂乃用其人之言出粟以養  
餼以集工曰惟所欲而與弗靳工人至視其室不可支則  
皆辭其一日向也吾饑請粟而弗得今吾飽矣其二日子

之養餽

鳥遺切

矣弗可食矣其三日子之室腐矣吾無所用

其力矣則相率而逝室遂不葺以圯郁離子曰北郭氏之  
先以信義得人力致富甲天下至其後世一室不保何其  
忽也家政不修權歸下隸賄賂公行以失人心非不幸矣  
○閼逢敦牂之歲戎事大舉有薦瓠里子宓於外閼者曰  
瓠里先生實知兵可將也聘至瓠里子過郁離子辭且請  
言焉郁離子仰天歎曰嗟乎悲哉是舉也忠矣而獨不爲  
先生計哉瓠里子曰何謂也郁離子曰昔者秦始皇帝東  
巡使徐市入海求三神蓬萊之山請船弗予予之葦筏辭  
曰弗任秦皇帝使謁者讓之曰人言先生之有道也寡人



聽之而必求船也則不惟人皆可往也寡人亦能往矣而  
為事先生為哉徐市無以應退而私具舟載其童男女三  
千人宅海島而國焉秦皇帝留連海濱待徐市不至不得  
三神山而歸殂于沙丘今之用事者皆肉食吾恐先生之  
請船而得葦筏也既而果不用瓠里子  
郁離子曰治天下者其猶醫乎醫切脈以知證審證以為  
方證有陰陽虛實脈有浮沈細大而方有汗下補瀉鍼灸  
湯劑之法參苓薑桂麻黃芩硝之藥隨其人之病而施焉  
當則生不當則死矣是故知證知脈而不善為方非醫也  
雖有扁鵲之識徒嘵嘵許么而無用不知證不知脈道聽

塗說以為方而語人曰我能醫是賊天下者也故治亂症  
也紀綱脈也道德政刑方與法也人才藥也夏之政尚忠  
殷承其敝而救之以質殷之政尚質周承其敝而救之以  
文秦用酷刑苛法以箝天下天下苦之而漢承之以寬大  
守之以寧壹其方與證對其用藥也無舛天下之病有不  
瘳者鮮矣

郁離子以言忤于時為用事者所惡欲殺之大臣有薦其  
賢者惡之者畏其用颺言毀諸庭庭立者多和之或問和  
之者曰若識其人乎曰弗識而皆聞之矣或以告郁離子  
郁離子笑曰女几之山乾鵲所巢有虎出于樸荻鵲集而



鳴之鵠鵠聞之亦集而噪鴨音鵠居音見而問之曰虎行地  
 者也其如子何哉而噪之也鵠曰是嘯而生風吾畏其顛  
 吾巢故噪而太之問於鵠鵠鳴鵠無以對鴨鵠笑曰鵠之  
 巢木末也畏風故忌虎爾穴居者也何以噪為  
 郁離子曰民猶沙也有天下者惟能搏而聚之耳堯舜之  
 民猶以漆搏沙無時而解故堯崩百姓如喪考妣三載四  
 海遏密八音非威驅而令肅之也三代之民猶以膠搏沙  
 雖有時而融不釋然離也故以子孫傳數百年必有無道  
 之君而後衰又繼而得賢焉則復興必有大無道如桀與  
 紂而又有賢聖諸侯如商湯周武王者間之而後亾其無

道未如桀紂者不亾無道如桀紂而無賢聖諸侯適丁其  
 時而間之者亦不亾霸世之民猶以水搏沙其合也若不  
 可開猶水之冰然一旦消釋則渙然離矣其下者以力聚  
 之猶以手搏沙拳則合放則散不求其聚之道而以責  
 于民曰是頑而好叛嗚呼何其不思之甚也  
 平原君患盜誅之不能禁或曰更賞之足以戢矣虞卿曰  
 不可先王立賞罰以勸懲善惡衰世之政也雖微猶足以  
 激其趨故賞禁潛罰禁濫縣衡以稱之猶懼其不平也而  
 况敢逆施之乎夫民之輕禁以逞欲如水之決必有所自  
 求而塞之斯可矣今此之不索而力遏其流至於不能制



乃不省其闕而欲矯以逆先王之法度是猶欲止水而去其防也其庸有瘳乎夫民有欲而無厭者也節以制之猶或踰焉盜而獲賞利莫大矣利之所在民必趨焉趨而禁之是貳政也趨而不禁人盡盜矣是鼓亂也不臧孰甚焉平原君豁然而寤起再拜受教盡散其私財以濟貧乏申明舊章而重購以賞獲盜者於是趙盜皆走之燕道不拾遺虞卿之教也

州之庸問於郁離子曰雲山出也而山以之靈煙火出也而火以之畜不亦異哉郁離子曰善哉問夫人之用替者亦猶是也夫智人出也善用之猶山之出雲也不善用之

猶火之出煙也韓非囚秦鼃音潮錯歿漢煙出火也

曾般第二

郁離子之市見壞宅而哭之慟或曰是猶可葺與郁離子曰有魯般王爾則可也而今凶矣夫誰與謀之吾聞宅壞而棟不撓者可葺今其棟與梁皆朽且折矣舉之則覆不可觸也不如姑仍之則薨楠之未解者猶有所附以待能者苟振而摧之將歸咎于葺者弗可當也況葺宅必新其林簡其蠹腐其外完而中潰者悉屏之不束椽以為楹不斲柱以為椽其取材也惟其良不問其所產楓栝那舍切栝杉楮柎檀無所不收大者為棟為梁小者為杙音切為栒



音曲者為枅直者為楹長者為榱短者為稅音拙非空中而  
液身者無所不用今醫閭之太木竭矣規矩無恒工失其  
度斧鋸刀鑿不知所裁桂樟枿即胡切剪為標於宙切薪雖  
有魯般王爾不能輒施其巧而況於無之乎吾何為而不  
悲也

青丘之山九尾之狐居焉將作妖求鬪體而戴之以拜北  
斗而徼福于上帝遂往造共工之臺以臨九丘九丘十數  
之狐畢集登羽山而人舞焉有老猥見而謂之曰爾之所  
戴者死人之鬪體也人死肉腐而為泥枯骨存焉是為鬪  
體鬪體之無知與瓦礫無異而其腥穢瓦礫之所不有不

可戴也吾聞鬼神好馨香而悅明德腥臊穢惡不可聞也  
而況敢以瀆上帝帝怒不可犯也弗悔若必受烈禍行未  
至閔伯之虛獵人邀而伐之攢弩以射其戴鬪體者九尾  
之狐久聚群狐而焚之蛆三百仞三年而臭赤又切乃熄惡氣也

漢愍帝之季年東都大旱野草皆焦昆明之池竭洛巫謂  
其父老曰南山之湫有靈物可起也父老曰是蛟也弗可  
用也雖得雨必有後憂衆曰今旱極矣人如坐爐炭朝不  
謀夕其暇計後憂乎乃召洛巫與如湫禱而起之酒未畢  
三奠蛟蜿蜒出有風隨之颼颼然山谷皆殷有頃雷雨大



至木盡拔，彌三日不止，伊洛瀍澗皆溢，東都大困，始悔不用其父老之言。

郁離子曰：螢之為明，微微也；昏夜得之，以照物，取而

寘諸燭下，則黝然亡矣。燭亦明矣哉，而不能不晦於月也。

大陽出矣，月之明又安在哉？故狗制狐，豹制狗，虎制豹，猿

先凡切又後春切 狴制虎，魏吳晉宋齊梁陳隋之君，惟其不當漢

祖之時也，使其在漢祖之時，不敢與布越伍，而況能南面

哉？是故湯武不作，而後有桓文；桓文不作，而後有秦；秦之

王適逢六國之皆庸君，故有賢人弗能用，而秦之間得行

嗚呼，豈秦之能哉！

或問：勝天下之道，曰在德。何以勝德？曰：大德勝小德，小德

勝無德，大德勝大力，小德敵大力。力生敵，德生力。力生於

德，天下無敵。故力者勝一時者也，德愈久而愈勝者也。夫

力非吾力也，人各力其力也。惟大德為能得群力，是故德

不可竊而力可困。人言五伯之假仁義也，或曰：是何足道

哉？郁離子曰：是非仁人之言也。五伯之時，天下之亂極矣，

稱諸侯之德，無以加焉。雖假而愈於不能，故聖人有取也。

故曰：誠勝假，假勝無。天下之至誠，吾不得見也；得見假之

者，亦可矣。

郁離子曰：甚矣仁義之莫彊於天下也。五伯假之，而猶足



以維天下而獲天下之顯名而沉於出之以忠行之以信者哉今人談仁義以口聞取其一二無拂於其欲者時行焉將以賈譽也及其弗獲則舉仁義以為迂雲俱切而舍之廣大也至于死弗寤哀哉

齊潛敏音王既取燕滅宋遂伐趙侵魏南惡楚西絕秦交示威諸侯以求為帝平原君問于魯仲連曰齊其成乎魯仲連笑曰成哉臣竊悲其為象虎也平原君曰何謂也魯仲連曰臣聞楚人有患狐者多方以捕之弗獲或教之曰虎山獸之雄也天下之獸見之咸驚切質涉而亾其神伏而俟命乃使作象虎取虎皮蒙之出于牖下狐入遇焉啼而踣

他日豕暴于其田乃使伏象虎而使其子以戈摘舉其切又音羈諸衢田者呼豕逸于莽遇象虎而反奔衢獲焉楚人大喜以象虎為可以皆服天下之獸矣於是野有如馬被象虎以趨之人或止之曰是駮也非角切獸似馬真虎且不能當徃且敗弗聽馬雷响欣句許字二切而前攬而噬之顛磔而死今齊實象虎而燕宋狐與豕也弗戒諸侯其無駮乎明年望諸君以諸侯之師入齊潛王為淖齒所殺

蟾蜍游于決於良切濱之澤蚶胡多切蛟皮音以其族見喜其類也欲與俱入月使鼃音呼之問曰彼何食曰彼宅于月中身棲桂樹之陰餐泰和之淳精吸風露之華滋他無



所食也。蚶蚶曰：若是則予不能從矣。予處決瀼之中，一日而三飽。予焉能從彼單棲于沈。古穴呼溲。胡巧刀枵其胃腸而吸飲風露乎？問其食，不對。鼃鼃復命使返而窺之，則方據溷而食其蛆。丑余監糞汁而飲之，滿腹然後出。骨臍然鼃鼃返曰：彼之食溷蛆與糞汁也，一日不可無也。而焉能從子？蟾蜍蹙額而吟。明臺曰：嗚呼！予何罪乎？而生與此物類也。

郁離子曰：豺之智，其出於庶獸者乎？嗚呼！豈獨獸哉？人之無知也，亦不如之矣。故豺之力非虎敵也，而獨見焉則避；及其朋之來也，則相與犄角之，盡虎之力得一豺焉，未暇

顧其後也。而犄之者至矣。虎雖猛，其奚以當之？長平之役，以四十萬之衆投戈甲而受死，惟其智之不如豺而已。

玄豹第三

石羊先生謂郁離子曰：嗚呼！世有欲蓋而彰，欲抑而揚，欲掩其明而播其聲者，不亦異乎？郁離子喟然嘆曰：子不見夫南山之玄豹乎？其始也，於快黠耳人莫之知也。霧雨七日不下，食以澤其毛，而成其文。文成矣，而復欲隱。何其也。是故縣黎之玉處頑石之中，而潛于幽谷之底，其壽可以與天地俱也。無故而舒其光，使人矚而駭之，於是乎椎鑿來而扁鑄發矣。桂樹之輪困詰樛，與栲櫨奚異而斧



斤尋之不憚阻遠者何也以其香之達也故曰欲人之不  
見莫若助切其明欲人之不知莫若瘖其聲是故鸚鵡  
繫于能言蝟蠹綿音獲于善鳴樗以惡而免割瓢音以苦而  
不烹何如其翳子之燁燁而返子之冥冥乎石羊先生悵  
然久之曰惜乎予聞之晚也  
南山之隈有太木群蟻萃焉穿其中而積土其外於是木  
朽而蟻且蕃則分處其南北之柯蟻之埳瘵且各切如也一  
日野火至其處南者走而北處北者走而南不能走者斬  
而遷于火所未至已而俱熱無遺者  
東南之美有荆山之麝臍焉荆人有逐麝者麝急則決其

臍投諸莽逐者趨焉麝因得以逸命尹子文聞之曰是獸  
也而人有弗如之者以賄亾其身以及其家何其知之不  
如麝耶  
子游爲武城宰郭門之埳有鸛遷其巢於墓門之表墓門  
之老以告曰鸛知天將雨之鳥也而驟遷其巢邑其有大  
水乎子游曰諾命邑人悉具舟以俟居數日水果大至郭  
門之埳沒而雨不止水且及于墓門之表鸛之巢翹翹然  
徘徊長唳莫知其所處也子游曰悲哉是亦有知矣惜乎  
其未遠也  
西郭子僑與公孫詭隨涉虛俱爲微行昏夜踰其鄰人之



垣鄰人惡之，坎其往來之涂。直都達胡二切而置溷焉。一夕又往，子僑先墮于溷，弗言而招詭隨。詭隨從之墮，欲呼子僑掩其口，曰：勿言，俄而涉虛，至亦墮。子僑乃言曰：我欲其無相啗也。君子謂西郭子僑非人也。已則不慎，自取污辱，而包藏禍心，以陷其友，其不仁甚矣。以對溷，日水果大至，謹一夕山水大出，漂室廬，塞溪而下。人騎木乘屋，號呼求救者，聲相連也。道士具大舟，躬簞笠，立水澗，督善水者，絕以俟。人至，即投木索引之，所存活甚衆。平且有獸，身沒波濤中而浮，其首左右盼，若求救者。道士曰：是亦有生，必速

救之。舟者應言，往以木接上之，乃虎也。始則矇矓然坐而舐其尾，比及岸，則瞠目，眈眈時旨切。道士躍而攫之，仆地。舟人奔救，道士得不死，而重傷焉。郁離子曰：哀哉，是亦道士之過也。知其非人而救之，非道士之過乎？雖然，孔子曰：觀過斯知仁矣。道士有焉。泰山先生采藥于山，有老父坐石上，揖之不起。泰山先生拱而立，頃之，老父仰而嚙，俯而疑，其神如玉如也。頷而笑曰：子欲采藥乎？余亦采藥者也。今子雖采藥，而未知藥也。知藥莫若我。泰山先生跪曰：願受教。老父曰：坐吾語子。中黃之山有藥焉，龍鱗而鳳葩，玉質而金英，宵納月彩，晨晞日



精宅厚坤以為家，澡沈灌之流榮，其味不苦不酸，其性不熱不寒，淡如也，淳如也。其名曰芝，得而服之，壽考以康，百病不生，皞皞熙熙，躋于泰寧。而五百年一遇之，太行之山有艸焉，丹夷而紫莖，根如伏龍，葉如翠翹，葱葱萋萋，蔚茂以齊，其名曰參，得而服之，老者少，少者壽，病者已，疴者起，而三百年一遇之。南條之山有艸焉，性溫而和，味芳以辛，馥馥芬芬，香氣襲人，其名曰木，得而服之，養精益神，救死扶生，去疾除根，瘴癘莫于寢興以安，而百年一遇之。岫古切山嶺力后切之山有木焉，碧幹而瓊枝，綠葉菁菁，上拂穹霄，下臨層崖，霜雪灑之而不凝，赤日過之而不炎，其馨

菲菲，其味如飴，鬼魅畏之，避不敢窺，其名曰桂，煮而服之，可以祛百邪，消毒滌扶陽，抑陰斂真，歸元岷山之陰有草焉，葉如翠眊，根如團金，味如人膽，稟性酷烈，不能容物，名曰黃良，煮而服之，推去百惡，破癥解結，無穢不滌，煩疴毒熱一掃無迹，如司寇之殛殘賊之二物也。有病乃服，無病者不服也。故有弗用，用必中陰谷，有草狀如黃精，背陽而生，入口口裂，著肉肉潰，名曰鉤吻，雲夢之隰有草，其狀如葵，葉露滴，人流為瘡，瘡刻骨絕筋，名曰斷腸之草之二草者，但有殺人之能，而無愈病之功，吾子其慎擇之，哉！無求美弗得，而為形似者，所誤。秦龍先生愀然而悲，願求老人



已不知其所之矣  
梓謂棘曰爾何為乎脩脩而不揚橐橐而無所容幽穆於  
灌莽之中斃朽籜而不見大陽不已痲乎吾幹竦穹崖梢  
拂九陽根入九陰日月過而留其暉風雨會而流其滋鵝  
雛翠鸞朝夕和鳴暖靄精嵐山蒸澤烘結為祥雲五色備  
象八音成聲絢為文章抱日浮光蔚兮若濯錦出蜀江粲  
兮若春葩曜都房是以匠石見而愛之期以為明堂之棟  
梁言既棘倚風而嘯振條而吟曰美矣哉吾聞之治容色  
者侮之招麗服飾者盜之招多才者忌之招今子之美  
冠群超倫名彰于時泰運未開構厦無入吾憂子之不得

為明堂之棟梁而剪為黃腸與腐肉同歸于冥冥之鄉雖  
欲見大陽其可得乎吾長不盈尋大不踰指扶踈屈律不  
支不理天不界之以材而賜之以刺使人不敢樵禽不敢  
萃故雖無子之美而亦無子之憂則吾之所得多矣吾又  
安所求哉

宋王欲使熊蟄父為司馬熊蟄父辭宋王謂杞離曰薄諸  
乎吾將以為太宰杞離曰臣請試之且日之熊蟄父氏不  
遇遇其僕于遠為道王之意其僕曰小人不能知也然嘗  
聞之南海之島人食蛇北游于中國腊蛇以為糧之齊齊  
人館之厚客喜侑主人以文跌大結切之脩主人吐舌而走



客弗喻為其薄也戒皂臣求王虺以致之今王與大夫無亦由是與杞離慚而退

郁離子學道于藐乾羅子冥授化鐵為金之術遂往入九折之山得躍冶之鋼音而而鍊之以左目取火于太陽右目取水于太陰驅役雷風收拾鬼神以集于黃中渾渾胚胚如珠在胎焜焜熒熒如日將升仙人皆仰之矣山鬼窺而慄為嘯其徒謀之曰有怪女知之乎若不早圖而待其成悔無及矣乃使操與力輕切撓之百端不能破乃羣號而訴諸帝曰天生物而賦之形與性壽夭貴賤司命掌之弗可移也夫是謂之天常今彼將以智奪之以竊天權弗可

假也帝怒命方伯宵鼓之以旄莫江切鞞音恪之鞞皮秘切又

鐵躍弗可止遂不能成金

石羊先生謂郁離子曰子不知子之憂乎郁離子曰何為其不知也曰何以知之曰周人有好姣戶交切服者有不定於其心則忸怩而不置必易而後慊一日有所之袂涅而弗知也揚揚而趨樂甚其友半途而指之涅則惋而嗟攝而掩之涅去而跡在其心妯妯敕流切然互步而六視不成行而復鄭子陽好其妻其妻美而額厲蔽之以翟三年未之見一夕而褫其翟見焉則快然不樂申且而不寐其妻雖以翟蔽之終不好矣故陰谷之木生于嵌巖之下終



年不見日月之光而不怨者不知天之有日月也  
 梧丘之野人種稻以為食歲儲舊而待新新未嘗不敢竭  
 其舊且日之畝視其禾皆穎而且栗喜而歸曰新可期矣  
 則皆發其舊與其人飽之舊且盡而新未熟不勝其缺古  
 望與其子及妻憂往而迭視踐其畝而禾愈青是非禾  
 之返青也望之者切也荆人有走虎而捐其子者以為虎  
 已食之矣弗求矣人有見而告之曰爾子在盍速求之弗  
 信采薪者以歸子之他日遇而爭之其子弗識矣  
 趙王之太子病召醫緩醫緩至曰病革矣非萬金之藥弗  
 可問之曰是必得代之赭荆之玉响古后樓力后之沙禺

同青蛉命音之空曾青崑崙之紫白英合浦之珠蜀之犀三  
 韓之寶龜醫無閭之珣音玕音琪音合汞鉛而鍊之一年而  
 和二年而成三年而金粟生則取而埋諸土中又三年而  
 服之斯可以起矣淳于公聞而笑之曰誠哉所謂醫緩矣  
 ○莊子之齊見餓人而哀之餓者從而求食莊子曰吾已  
 不食七日矣餓者吁曰吾見過我者多矣莫我哀也哀我  
 者惟夫子向使夫子不食其能哀我哉  
 參龍先生謂石羊子曰往予游于江十日而風恒從西來  
 及還而沿又十日而風恒從東來從者恚而泣予唏之曰  
 天有風主為予汝乎何為泣也



靈丘之丈人善養蠶，歲收蜜數百斛，蠟稱之。於是其富比封君焉。丈人卒，其子繼之，未朞月，蠶有舉族去者，弗恤也。歲餘去且半，又歲餘盡去，其家遂貧。陶朱公之齊，過而問焉，曰：「是何昔者之煊煊而今日之涼涼也？」其鄰之叟對曰：「以蠶請問其故。」對曰：「昔者丈人之養蠶也，園有廬，廬有守，朝木以為蠶之宮，不罅不腐，其置也疏，密有行，新舊有次，坐有方，牖有鄉，五五為伍，一人司之，視其生息，調其寒暄，鞏其構架，時其墐發，蕃則從之，析之寡則與之，哀之不使有二王也。去其蛛蝥，蚍蜉，浮彌，其土蠶蠅，豹夏不烈。」

日冬不凝，澌飄風吹而不搖，淋雨沃而不漬，其取密也，分其贏而已矣。不竭其力也。於是故者安，新者息，丈人不出戶而收其利，今其子則不然矣。園廬不葺，汗濺不治，燥濕不調，啟閉無節，居處艱隘，出入障礙，而蠶不樂其居矣。及其久也，蛄切蝻切，蝻切蝻切，罔其房而不知，螻螳鑽其室而不禁，鵲切鳩切，鳩切鳩切，掠之于白日，狐里竊之于昏夜，莫之察也。取蜜而已，又焉得不涼涼也哉？陶朱公曰：「噫！二三子識之，為國有民者，可以鑒矣。」

郁離子曰：「刑威令也，其恣至于殺而生人之道存焉。赦德令也，其意在乎生而殺入之道存焉。書曰：「刑期于無刑，又



曰、青災肆赦、此先王之心也。是故判刑期于使民畏、刑有必行、民知犯之之必死也。則死於者鮮矣。赦者所以矜蠢愚、宥過誤、知罪不避、而輒原焉。是啟僥倖之心、而教人犯也。至於禍稔惡積、不得已而誅之、是以恩為棄也。然則赦令卒不可行、與曰、法有二、有古今之通禁、有一代之私禁。古今之通禁、惡逆也、殺人傷人及盜之類也、而釋勿治、是代之為賊也。一代之私禁、茶鹽錢幣之類也、民無以為生、而官不能恤、於是乎有犯、雖難以為常原情而貸之、可也。濟陰之賈人、渡河而亾、其舟楫于浮苴之上、號焉有漁者、以舟往救之、未至、賈人急號曰、我濟上之巨室也、能救我

予爾百金、漁者載而升、諸陸則予十金、漁者曰、向許百金、而今予十金、無乃不可乎、賈人勃然作色曰、若漁者也、一日之獲幾何、而驟得十金、猶為不足乎、漁者聞然而退、他日賈人浮呂梁而下、舟薄于石、又覆而漁者在焉、人曰、盍救諸、漁者曰、是許金而不酬者也、艤而觀之、遂沒、郁離子曰、或稱賈人重財而輕命、始吾不信、而今知有之矣、張子房謂漢王曰、秦將賈人子可啗也、抑所謂習與性成者與、此陶朱公之長子、所以死其弟也、孟子曰、故術不可不慎也、信哉。

衛懿公好禽、見舐牛而悅之、祿其牧人、如中士、甯子諫曰、



不可牛之用在耕不在祗祗其牛耕必廢耕國之本也其  
 可廢乎臣聞之君人者不以欲妨民弗聽於是衛牛之祗  
 者價十倍於耕牛牧牛者皆釋耕而教祗農官弗能禁邯  
 有馬生駒不能走而善鳴公又悅而納諸殿寧子曰是妖  
 也君不寤國必亾夫馬齊力者也鳴非其事也邦君為天  
 牧民設官分職以任其事廢事失職厥有常刑故非事之  
 事君不舉焉杜其源也妖之興也人實召之自今以往衛  
 國必多不耕之夫不織之婦矣君必悔之又弗聽明年狄  
 伐衛衛侯將登車而御失其轡將戰士皆不能執弓矢遂  
 敗于榮澤滅懿公

鬣音布問于赤羽雕曰盜日殺而日多何也赤羽雕曰  
 未也而今方多矣鬣曰何若是甚也赤羽雕曰乘子之  
 車循子之軌天下之生將盡為盜鬣曰請聞之赤羽雕  
 曰昔者蠶夕出出切 蜚暴於岷嶓之間蜀王使相回帥師伐之  
 畏弗進作土門而壁焉其士卒日食于民民瘵不堪於是  
 五丁鑿山以出于江之源擒蠶蜚殺之相回聞蠶蜚之  
 也毀壁而出取其尸以為功曰我之徒兵實殺之五丁怒  
 殺相回排大彭而壅之江江水逆流覆王宮王升木而號  
 化為杜鵑今天下之治盜者皆相同也民不甘餒肉于蠶  
 蜚也能無洩五丁之怒者乎



晉靈公好狗，築狗圈于曲沃，衣之繡，嬖人屠岸賈因公之好也，則夸狗以悅公，公益尚狗，一夕狐入于絳宮，驚襄夫人，襄夫人怒，公使狗搏狐，弗勝，屠岸賈命虞人取他狐以獻，曰：狗實獲狐。公大喜，食狗以大夫之俎，下令國人曰：有犯吾狗者，刑之。於是國人皆畏狗，狗入市取羊豕以食，飽則曳以歸。屠岸賈氏屠岸賈大獲，大夫有欲言事者，不囚屠岸賈，則狗群噬之。趙宣子將諫，狗逆而拒諸門，弗克入。他日狗入苑食公羊，屠岸賈欺曰：趙盾之狗也。公怒，使殺趙盾，國人救之，宣子出奔秦。趙穿因衆怒，攻屠岸賈，殺之，遂弒靈公于桃園，狗散走。中國人悉禽而烹之。君子曰：

甚矣屠岸賈之為小人也。譏音狗以蠱君，卒亾其身，以及君寵安足恃哉。人之言曰：蠹蟲食木，木盡則蠹死，其如晉靈公之狗矣。瓠里子自吳歸，粵相國使人送之，曰：使自擇官舟以渡，送者未至，於是舟泊于滸者以千數，瓠里子欲擇之而不能，識送者至，問之曰：舟若是多也，惡乎擇？對曰：甚易也。但視其敞，蓬折櫓而破，扶反者即官舟也。從而得之，瓠里子仰天歎曰：今之治政，其亦以民為官，民與則愛之者鮮矣，宜其敞也。

楚主好安陵君，安陵君用事，景睢邀江乙，使言于安陵君。



曰楚國多貧民請以雲夢之田貸之耕以食無使失所安  
 陵君言于王而許之他日見景子問其入之數景子曰無  
 之安陵君愕曰吾以子為利於王而言焉乃以與人而為  
 恩乎景睢失色而退語其人曰國危矣志利而忘民危之  
 道也

衛靈公怒彌子瑕此音出之瑕懼三日不敢入朝公謂祝  
 鮪曰瑕也對乎子魚對曰無之公曰何謂無之子魚曰君  
 不觀夫狗乎夫狗依人以食者也主人怒而扶之嗥切胡高  
 而逝及其欲食也音里憇然復來忘其扶矣今瑕君狗  
 也仰於君以食者也一朝不得於君則一日之食曠焉其

何敢對乎公曰然哉

警聵第五

郁離子曰自警者樂言己之長自聵者樂言人之短樂言  
 己之長者不知己樂言人之短者不知人不知己者無所  
 見不知人者無所聞無見者謂之警無聞者謂之聵人有  
 耳目而見聞有所不及恒思所以聰明之猶懼其蔽塞也  
 而況於自警自聵乎警且聵而以欺人曰予知且能然而  
 不喪者蔑之有也

郁離子曰諱者欺之媒乎矜者譎之宅乎媒以招之宅以  
 納之矜其不至乎故舟必漏也而後水入焉土必濕也而



後蒼生焉，姦人伺隙以圖進，其身奚暇爲人國家計哉？故因其矜也而施之譎，因其謹也而投以欺，然後昭然知其爲譎與欺而弗之拒也。由是而貫貫而後寵生焉，寵生慕慕生效，夫姦人之得志於人國家也，一旦不能堪也，而況於慕效之相承乎？腐肉之致蠅，非特盡其肉而已也。蠅生蛆而蛆復爲蠅，蠅蛆相生而不窮，夫何以當之？是故君子之脩慝辨惑，如良醫之治疾也，鍼其膏肓，絕其根源，然後邪溜不生，苟知譎與欺之能喪人心，亾人國也，屏其媒壞其宅，姦者熄矣。

軻里子之艾謂其大夫曰：日君之左眼病，獸人曰得生馬

之血以飲之，可起也。君之圍人使求僕之驂，僕難未與也。大夫曰：殺馬以活馬，非人情也。夫何敢？軻里子曰：僕亦竊有疑焉。雖然，亦既知君之心矣。願因有所請，僕聞有國者必以農耕而兵戰也。農與兵孰非君之民哉？故兵不足則農無以爲衛，農不足則兵無以爲食。兵之與農猶足與手，不可以獨無也。今君之兵暴於農，而君不禁，農與兵有訟則農必左，耕者困矣。是見手而不見足也。今君之圍人見君之不可無服而不視僕之不可無驂也。昔者陳胡公之元妃大姬好舞，於是宛丘之人皆拔其桑而植柳，僕竊爲君畏之。



宋王偃惡楚威王好言楚之非且日視朝必詆楚以為笑且曰楚之不能若是甚矣吾其得楚乎群臣和之如出一口於是行旅之自楚適宋者必構楚短以為容國人大夫傳以達于朝狃而揚遂以楚為果不如宋而先為其言者亦惑焉於是謀伐楚大夫華繁諫曰宋之非楚敵也舊矣猶憐音牛之於音鼠也音寶使誠如王言楚之力猶足以十宋宋一楚十十勝不足以直一敗其可以國試乎弗聽遂起兵敗楚師于穎上王益逞華繁天由切復諫曰臣聞小之勝大也幸其不吾虞也幸不可常勝不可恃兵不可玩敵不可侮侮小人且不可況大國乎今楚懼矣而王益盈大

懼小盈禍其至矣王怒華繁出奔齊明年宋復伐楚楚人伐敗之遂滅宋

越王燕群臣而言吳王夫差之亡也以殺子胥故群臣未應大夫子餘起而言曰臣嘗之東海矣東海之若游于青渚禹疆會為介鱗之從者以班見夔出鼈延頸而笑夔曰爾何笑鼈曰吾笑爾之躊躇而憂爾之路也夔曰我之躊躇不猶爾之踟躕補火切乎且我之用一而爾用四四猶不爾持也而笑我乎故跋之則贏其胥曳之則毀其腹終日匍匐所行幾許爾胡不自憂而憂我也今王殺大夫種而走范蠡四方之士掉首不敢南顧越無入矣臣恐諸侯之



笑王者在後也王默然不即且與蚤過于瞳吐中切蚤於各切蹇首而逝即且追之踟旋焉繞之蚤迷其所如則呀以待即且攝其首身弧屈而矢發入其肌九音食其心齧其腎啟音出其尻斗丘切蚤歿不知也他日行於燧時任切見蛭胡括切欲取之蚊胡田切謂之曰是小而毒不可觸也即且怒曰甚矣爾之欺予也夫天下之至毒莫如蛇而蛇之毒者又莫如蚤蚤噬木則木斃齧人獸則人獸斃其烈猶火也而吾入其肌食其心蘊鮮其腹腸醉其血而飽其膏力形切三日而醒融融然夫何有於一寸之蛻蟻如暖切乎跋其足而凌之蛻蟻舒舒焉曲直其

角煦其沫以俟之即且黏而顛欲走則足與須盡解解臆

楚有養狙且余切以為生者楚人謂之狙公且曰必部分衆狙于庭使老狙率以之山中求草木之實賦什一以自奉或不給則加鞭箠焉群狙皆畏苦之弗敢違也一日有小狙謂衆狙曰山之果公所樹與曰否也天生也曰非公不得而取與曰否也皆得而取也曰然則吾何假於彼而為之役乎言未既衆狙皆寤其夕相與伺狙公之寢破柵毀柙取其積相攜而入于林中不復歸狙公卒餒而歿郁離子曰世有以術使民而無道揆者其如狙公乎惟其昏而



未覺也。一旦有開之其術竊。蒙人衣狻猊之皮以適壙。虎見之而走。謂虎為畏也。返而矜有大志。明日服狐裘而往。復與虎遇。虎立而睨之。怒其不走也。叱之為虎所食。邾婁子泛于河中流而溺。水渦古禾切嚙而出之。得壺以濟岸。以為天祐已也。歸而不事。魯又不事。齊魯人伐而分其國。齊弗救。君子曰。無畏者。禍之本乎。惟有德可以受天祥。祥不妄集。聖人實有之。猶內省而懼。畏其不能勝也。而況敢自祥乎。非祥而以為祥。喪其心矣。其能免乎。

郁離子謂姬獻曰。吾嘗游汝泗之間。見叢祠焉。其中為天

仙。其左右為鬼伯。天仙之祠。香燭之外無物。而鬼伯之祠。擊鐘烹羶。明膏火。竊晝夜。今子之庭。無雨暘寒暑。皆如市。鵝羊鴨鷄之聲。啞嘍嘈噴。不得聞人語。吾隱子之不能為天仙。而為鬼伯也。明年而敗于匏瓜之墟。姬獻歎曰。為有獻陵鯉。于商陵君者。以為龍焉。商陵君大悅。問其食。曰。螳。商陵君使參而擾之。或曰。是陵鯉也。非龍也。商陵君怒。扶之。於是左右皆懼。莫敢言。非龍者。遂從而神之。商陵君觀龍。龍卷屈如丸。倏而伸。左右皆佯驚。稱龍之神。商陵君又大悅。徙居之。宮中夜穴。覺而逝。左右走報曰。龍用壯。今果穿石去矣。商陵君視其跡。則悼惜不已。乃養螳以伺冀。



其復來也無何天大雨震電真龍出焉商陵君謂爲參龍  
來矢豈以遊之龍怒震其宮商陵君歿君子曰甚矣商陵  
君之愚也非龍而以爲龍及其見真龍也則以陵鯉之食  
待之卒震以歿自取之也  
冥谷之人畏日恒穴土而居陰有蛇焉能作霧謹事之出  
入憑焉於是其國晝夜霧巫紿之曰吾神已食日矣日亾  
矣遂信以爲天無日也乃盡廢其穴之居而處塏羲和氏  
之子之崦過焉謂之曰日不亾也今子之所駭者霧也霧  
之氣可以晦日景而焉能亾日日與天同其久者也惡乎  
亾吾聞之陰不勝陽妖不勝正蛇陰妖也鬼神之所詰雷

霆之所射也今乘天之用否而逞其姦又因人之譌以憑  
其妖妖其能久乎夫穴子之常居也今以譌致妖而棄其  
常居蛇歿霧必散日之赫其可當乎國人謀諸巫巫恐洩  
其紿遂沮之未期月雷殺其蛇蛇歿而霧散冥谷之人相  
响而槁

粵人有采山而得菌其大盈箱其葉九成其色如金其光  
四照以歸謂其妻子曰此所謂神芝者也食之者仙吾聞  
仙必有分天不妄與也人求弗能得而吾得之吾其仙矣  
乃沐浴齋三日而烹食之入嚙而歿其子視之曰吾聞得  
仙者必蛻其骸人爲骸所累故不得仙今吾父蛻其骸矣



非歿也乃食其餘又歿於是同室之人皆食之而歿郁離  
 子曰今之求生而得歿者皆是之類乎故張罔以逐禽使  
 無所逃而獲非不知而不避者也設食而機之則其獲也  
 皆非知之而不避者也南方有鳥五采而象鳳名曰昭明  
 其性好亂故出則天下起兵西方有獸斑文而象虎名曰  
 騶虞其性好仁故出則天下偃兵其不知者莫不以爲鳳  
 與虎也今天下之人孰不曰予有知也由此觀之遠矣

桐俱禹椽戶金第六

梁王嗜果使使者求諸吳吳人予之橘王食之美他日又  
 求焉予之柑王食之尤美則意其猶有美者未予也其記

切使者聘于吳而密訪爲禦兒之鄙人有植桐椽于庭者  
 其實大如瓜使者見而愕之曰美哉煌煌乎柑不如矣求  
 之弗予歸言于梁王梁王曰吾固知吳人之靳也命使者  
 以幣請之朝而進之薦而後嘗之未畢一辨王舌縮而不  
 能嚙齒柔而不能咀呼凡鼻願頰以讓使者使者以謂  
 吳人吳人曰吾國果之美者橘與柑也既皆以應王求無  
 以尚矣而王之求弗置使者又不詢而觀諸其外美宜乎  
 所得之不稱所求也夫木產于土有土斯有木於是乎果  
 實生焉果之所產不惟吳王不徧索而獨求之吳恐桐椽  
 之日至而終無適王只者也



公儀子為政于魏魏人淳于橘以才智自薦公儀子試而  
 知其弗任也退之淳于橘許必切之西河西河守使人道而  
 入諸趙趙人以為將西河守謂公儀子曰是必攻趙矣趙  
 疾魏國之利也公儀子愀然不悅曰如大夫言是魏國之  
 耻也昔者由余戎人也由余入秦秦穆公用之由余賢秦  
 人不敢輕我吾懼趙人之由是輕魏也

泗水之濱多美石孟嘗君為薛公使使者求之以幣泗濱  
 之人問曰君用是奚為哉使者對曰吾君封于薛將崇宗  
 廟之祀製雅樂焉徵君之石無以為之幣使隸人敬請于  
 下執事惟君圖之泗濱人大喜告于其父老齊戒肅使者

以車千乘致石于孟嘗君孟嘗君館泗濱人而置石于外  
 朝他日下宮之礪闕孟嘗君命以其石為之泗濱人辭諸  
 孟嘗君曰下邑之石天生而地成之昔者禹平水土命后  
 夔取而薦之郊廟以諧八音衆聲依之任土作貢定為方  
 物要之明神不敢褻也君命使者來求于下邑曰以崇宗  
 廟之祀下邑之人畏君之威不敢不供齊戒肅使者致于  
 君君以置之外朝未有定命不敢以請今聞諸館人曰將  
 以為下宮之礪思亦切臣實不敢聞弗謝而走諸侯之客聞  
 之皆去於是秦與楚合謀伐齊孟嘗君大恐命駕趣謝客  
 親御泗濱人迎石登諸廟以為磬諸侯之客聞之皆來秦



楚之兵亦解，君子曰：國君之舉不可不慎也。如是哉！孟嘗君失信于天下之人，疾之而況得罪於賢士哉！雖然，孟嘗君亦能補過者也。齊國復強，不亦宜乎？越王使其大夫子餘造舟，舟成，有賈人求掌爲工。子餘弗用，賈人去之。吳因王孫率以見吳王，且言越大夫之不能用人也。他日王孫率與之觀于江，颶音作江中之舟，擾則收指以示王孫率曰：某且覆，某不覆，無不如其言。王孫率大奇之，舉于吳王，以爲舟正。越人聞之，尤子餘。子餘曰：吾非不知也，吾嘗與之處矣，是好夸而謂越國之人無已者。吾聞好夸者恒是已，以來多諛，謂人莫若已者，必精于

察人而闇自察也。今吳用之，償其事者，必是夫矣。越人未之信，未幾吳伐楚，王使操餘皇浮五湖而出三江，迫于抹胥之口，沒焉。越人乃服子餘之明，且曰：使斯人弗試而死，則大夫受遺才之謗，雖咎繇不能直之矣。越人寇不韋，避兵而走剡，貧無以治，舍徘徊于天姥之下，得大木而麻爲安，一夕將斧其根，以爲薪，其妻止之曰：吾無廬而託，是以庇身也。自吾之止於此，是也。驕陽赫而不吾灼，寒露零而不吾淒，飄風揚而不吾凜，雷雨晦冥而不吾震撼，誰之力耶？吾當保之，如赤子仰之，如慈母愛之，如身體猶懼其不蕃且殖也，而況敢毀傷之乎？吾聞之水泉縮



而潛魚驚霜鐘鳴而巢鳥悲畏夫川之竭林之落也魚鳥  
且然而況於人乎郁離子聞之曰哀哉是夫也而其知不  
知一婦人也嗚呼豈獨不如一婦人哉則亦鳥魚之不若  
矣  
東甌之人謂火爲虎其稱火與虎無別也其國無陶冶而  
覆屋以茅故多火災國人咸苦之海隅之賈人適晉聞晉  
國有馮婦善搏虎馮婦所在則其邑無虎歸以語東甌君  
東甌君大喜以馬十駟玉二穀音文錦十純命賈人爲行  
人求馮婦於晉馮婦至東甌君命駕虛左迎之于國門外  
共載而入館于國中爲上客明日市有火國人奔告馮婦

馮婦攘臂從國人出求虎弗得火迫于宮肆國人擁馮婦  
以趨火灼死於是賈人以妾得罪而馮婦死弗寤

燕文公之路馬死或告之曰界耳氏之馬良請求之辭曰  
野馬也不足以充君駟公使彊之逃蘓代之徒欲以其馬  
售公弗取巫閭大夫入言曰君求馬將以駕乘輿也何必  
近舍其所欲售而遠取其不欲售者乎公曰昔惡夫自銜  
者對曰昔中行伯求婦于齊高鮑氏皆許之謀諸叔向叔  
向日娶婦所以承宗祧奉祭祀不可苟也惟其賢而已今  
君之求馬亦惟其良而已可也昔者堯讓天下於許由許  
由逃堯弗彊也而卒得舜甯戚飯牛以自售于齊桓公桓



公用之而卒得管仲使竟不聽許由何以得舜桓公不用  
寧子何以得管仲君何固焉

晉獻公滅虞寘其俘于下陽使士蔿於委監焉其大夫多  
逃士蔿弗禁公聞之怒召士蔿讓之士蔿對曰君以是為  
可以充吾國之用也夫夫彼虞公之臣也皆嘗任虞公之  
事矣食虞公之祿而立虞公之朝聞虞公之政虞公不能  
殺虞公執而身隨之君將焉用是為哉公曰吾懼其鄰國  
之之也士蔿笑曰若是則臣滋惑矣公曰何哉士蔿曰往  
歲臣之里有厲卜之曰叢為崇於是集里之老幼召巫覡  
具舟車奉牲幣羞桃茢男女以班舉叢而寘諸衢東里之

人利其器物而收之因得厲焉外者且過半故廢社之上  
不可以塗宮室棄出之婦不可以主中饋鬼神之所遺也  
今虞之賢臣曰宮之奇百里奚而已矣宮之奇先虞公之  
亾而以其族去百里奚與於俘則君既入之秦矣其他奚  
取焉而必欲置之曰無使適鄰國君實欲善鄰則曰愛厥  
苗無遺莠可也今君坐不安食不甘繕甲兵以睨四封無  
歲不征豈有他哉求吾欲也敵讐未生無所用謀如其弗  
欲猶將納之矧自往焉如其用諸適吾願也吾何怒為公  
曰善

郁離子曰鳥獸之與人非類也人能擾而馴之人亦何所



不可為哉。鳥獸以山藪音叟為家，而參養于攀籠之中，非其情也。而卒能馴之者，使之得其所嗜好，而無違也。今有養鳥獸而不能使之馴，則不食之，以其心之所欲處之，以其性之所安，而加矯迫焉，則有死耳。鳥獸之無知也，而欲奪其所入為同類，其情為易通，非若鳥獸之無知也。而欲奪其所好，遺之以其所不好，絕其所欲，彊之以其所不欲，迫之而使從，其果心悅而誠服耶？其亦有所顧畏而不得已耶？若曰：非心悅誠服，而出不得已，乃欲使之治吾國，狗吾事，則堯舜亦不能矣。

必親問。孫子所喜，田忌亦喜之；孫子所不欲，田忌亦不欲也。鄒奭謂孫子曰：子知蚩蚩音巨驅虛之與蟹居月切乎？蚩蚩驅虛負蟹以走，為其能齧甘草以食已也，非憂其將為人獲而負之也。今子為蟹而田子蚩蚩驅虛也，子其識之。孫子曰諾。

或問致人之道。郁離子曰：道致賢，食致民，淵致魚，藪致獸，林致鳥，臭致蠅，利致賈，故善致物者，各以其所好致之。則天下無不可致者矣。是故不患其有所不至，而患其有所不安，能致而不能安，不如不致之。亡傷也。粵人有學致鬼者，三年得其術，於是壇其室之北隅，以集鬼。鬼至而多無



以食則相帥以為妖聲聞于外一夕其人死而蒸其室鄰里莫不笑之

韓垣之齊以策于齊王王不用韓垣怒出誹言王聞而拘

諸司寇將殺之田無吾見王以語之田無吾曰臣聞

切萌學擾象而工比之義渠以擾象之術于義渠君義渠

君不答退而誹諸館館人曰非吾君之不聽于也顧無所

得象也姬萌赧而歸醫胡之魏見魏太子之神馳而氣不

屬也謂之曰太子病矣不疾治且不可救太子怒以為謗

已也使人刺醫胡醫胡死魏太子亦病以死夫以策于人

不合而怨者非也人有言不察患而警之亦非也臣聞之

江海不與坎井爭其清雷霆不與蚌蚶鬪其聲磳磳之夫

何足殺哉王乃釋韓垣

楚王問於陳軫曰寡人之待士也盡心矣而四方之望者

不貲寡人何也陳子曰臣少嘗游燕假館于燕亦左右皆

列肆惟東家甲焉帳臥起居飲食器用無不備有而容之

之者日不過一二或終日無一焉問其故則家有猛狗聞

人聲而出噬非有左右之先容則莫敢躡其庭今王之門

無亦有噬狗乎此士所以艱其來也

秦楚交惡楚左尹卻惡奔秦極言楚國之非秦王喜欲以

為五大夫陳軫曰臣之里有出妻而再嫁者日與其後夫



言前夫之非，意甚相得也。一日又失愛于其後夫，而嫁于  
郭南之寓人，又言其後夫如昔，其人為其後夫言之，後  
夫笑曰：是所以語子者，猶前日之語我也。今左尹自楚來，  
而極言楚國之非，若他日又得罪于王而之他國，則將移  
其所以訾楚者，訾王矣。秦王由是，不用卻惡。  
杞離謂熊蟄父曰：子亦知有烏蠶乎？黃蠶殫其力以爲蜜，  
烏蠶不能爲蜜，而惟食蜜，故將墮戶，其王使視蓄而計課，  
必盡逐其烏蠶，其不去者，衆嚼而殺之。今居于朝者，無小  
大，無不眠。切竹尼手稼。切勝土足以任王事，皆有益于楚國者  
也。而子獨邀以食，先星而臥，見日而未起，是無益于楚國

者也。且夕且計課，吾憂子之爲烏蜂也。熊蟄父曰：子不觀  
夫人之面乎？目與鼻口皆日用之急，獨眉無所事，若可去  
也。然人皆有眉，而子獨無眉，其可觀乎？以楚國之大而不  
能容一邀以食之士，吾恐其爲無眉之人，以貽觀者笑也。  
楚王聞之，益厚待熊蟄父。

漢八年，高皇帝崩，呂太后臨朝聽政。大臣患匈奴之疆，將  
與爲和親，議使者。太后惡宦官中行說欲去之，故使往。爲  
樂布諫曰：陛下之所以使中行說者，不過以匈奴驕恣，必  
不能善待漢使，或留之，則非我所惜。從而棄之，耳。臣獨以  
爲不便。夫使所以達主命，釋仇講好，決疑解紛，果不可以



有虞二 卷一  
屈國體高不可以激敵志察變應機以制事權國之榮辱已之休戚非素所愛信而知其忠且亮者不可遣也今中行說刑臣也名不齒於國士又陛下之所素惡夫素惡於君則不重其君名不齒於國士則不重其身臣懼其泄國情而開敵釁也弗聽彘布退謂辟陽侯曰子不力諫北邊自此弗寧矣昔鄭伯惡其大夫高克弗能去而使帥師以禦狄次于河上久而不召衆潰高克奔陳春秋書曰鄭棄其師病鄭伯也今使說也如匈奴無乃棄說以及其介幣乎昔晉之敗于邲也先穀實往楚師楚之敗于鄢陵也苗賁皇實在晉此古人之償車轍也上必悔之

楚王患其令尹薦呂臣之不能欲去之訪于宜申宜申曰未可王曰何故宜申曰令尹楚相也國之大事莫大乎置相弗可輕也今王欲去其相必先擇夫閒之者有乃可耳王蹙然曰令尹之不足以相楚國不惟諸大夫及國人知之鬼神亦實知之大夫獨以爲未可寡人惑焉宜申曰不然臣之里有巨室梁蠹且壓將易之召匠爾匠爾曰梁實蠹不可以不易然先得材焉不則未可也其人不能堪乃召他匠束群小木以易之其年冬十有一月大雨雪梁折而屋圯今令尹雖不能而承其祖父之餘國人與之素矣而楚國之新臣弱未有閒者此臣之所以曰未可也



趙人患鼠，乞猫于中山。中山人予之猫，善捕鼠及雞。月餘，鼠盡而其雞亦盡。其子患之，告其父。曰：「盍去諸？」其父曰：「是非若所知也。吾之患在鼠，不在乎無雞。夫有鼠則竊吾食，毀吾衣，穿吾垣墻，壞傷吾器用，吾將饑寒焉。不病於無雞乎？無雞者弗食雞則已耳，去饑寒猶遠若之，何而去夫猫也？」

客有短吳起於魏。武侯者曰：「吳起貪，不可用也。」武侯踈吳起。公子成入見曰：「君奚爲踈吳起也？」武侯曰：「人言起貪，寡人是以不樂焉。」公子成曰：「君過矣。夫起之能，天下之士莫先焉。惟其貪也，是以來事君。不然，君豈能臣之哉？且君自

以爲與殷湯周武王孰賢，務光伯夷，天下之不貪者也。湯不能臣，務光武王不能臣，伯夷今有不貪如二臣者，其肯爲君臣乎？念君之國，東距齊，南距楚，北距韓趙，西有虎狼之秦，君獨以四戰之地處其中，而彼五國頓兵坐視，不敢窺魏者，何哉？以魏國有吳起以爲將也。周詩有之曰：「赳赳武夫，公侯干城。」吳起是也。君若念社稷，惟起所願好而予之，使起足其欲而無他求，坐威五國之師，所失甚小，所得甚大。乃欲使之飯糲茹蔬，被短褐，步走以供使，令起必去之，起去而天下之如起者却行不入。大梁君之國空矣，臣竊爲君憂之。」武侯曰：「善。」復進吳起。



郁離子疾病氣宛痰結將散之或曰痰榮也是養人者也  
 人無榮則中乾中乾則死弗可散也郁離子曰吁吾子過  
 哉吾聞夫養人者津也醫家者所謂榮也今而化為痰是  
 榮賊也則非養人者也夫天之生人參地而為三為其能  
 贊化育也一朝而化為賊其能贊天地之化育乎是故俞  
 跗扁鵲之為醫也浣胃滌腸絕去病根而陷念二切死者  
 生舜禹成湯周文王之為君也誅四凶戮防風勳見吾放  
 夏桀戮黎伐崇而天下之亂載寧其將容諸乎容之無益  
 以於人也故蟲果生也蟲成而果潰自我而離焉非我已  
 其能養我乎弗去是殖賊以待戕也從子之教吾其不遠

潰矣

蟻音蟻音第七

智伯圍趙襄子于晉陽使人謂其守曰若能以城降吾當  
 使君子及孫世世保之守者對曰昔者中牟之郭圯有蟻  
 蟻墮于河洙擁之以旋其翅拍拍蟻見而憐之游而負之  
 及陸謂蟻曰吾與子百年無相忘也蟻振羽大笑曰若冬  
 春之不知也而能百年無忘我乎今晉國惟無  
 天盈盈而恃之是壅禍也壅禍恃盈以蠱尾于人天實厭  
 之晉陽朝亾女必夕亾予不寒猶及見之其何有于子  
 及孫是夕智伯為韓魏所殺



郁離子曰、人之度量相越也、其猶江海之於藏泉乎、藏音泉乎、藏泉之微積、而至于海、無以尚之矣、而海亦不自知其大也、惟其不自知其大也、故其納不已、而天下之大莫加焉、聖人之為德、亦若是而已矣、是故沂泉納、藏泉池、納沂、若田泉、溝納池、澮納溝、谿納澮、川納谿、澤納川、江河納澤、而歸諸海、故天子海也、公侯卿大夫江河也、川澤也、庶官谿澮之類、而萬民皆藏泉也、藏泉之於海、其相去也不亦大、絕矣乎、而其勢必趨焉、其志之感情之達、如氣至而蟲鳴也、如雨來而礎潤也、君人者、惟德與量俱、而後天下莫不歸焉、德以收之、量以容之、德不廣、不能使人來、量不弘、不

能使人安、故量小而思納、大者福也、河是若谷之繩、代登不可以陵、洪濤、蒿樊之駕、不可以御、飄風、大不如海、而欲以納、江河難哉、

介葛盧壘、側瓜、白狄、燕皆朝于魯、遇于沈、猶氏之衢、相睨而失笑、從者歸而語、諸館、交警焉、魯人使執渠畧、與結詰、詰音說、丘良、以示之、弗喻、公山弗狃欲伐季氏、問于冉有、冉有曰、盍召仲尼、公山弗狃使召仲尼、或謂其人曰、子之從夫子也、褻衣而鑿食、今將恒其故、而豐其新矣、而召仲尼焉、至、必授之政、將繩子以纆、音子其悔哉、乃陰喚、燕走使者、易其禮、仲尼不至、將起師、冉有曰、盍聞諸公乎、弗聽、遂以



費人攻季氏，問昭公焉。師入，驚公宮。季桓子挾公以登臺，使行人辭諸費人，曰：「先君之事先，大夫有之，雖然，盟主實有命。今斯之事，君惟謹，君惠優渥，蔑有二命。二三子不念魯國，不謀于君，而佛臨以兵，其若君與社稷何？且吾聞之，鳶不視鳥，祖禘不責，夷踞惟二三子圖之。費人曳戈而走，公山弗狃出奔齊。君子曰：公山之伐季氏也，其猶介葛盧之咻。」  
許丘許 秋乎 雖欲召仲尼 卒蒙于其人 而弗果其無成也宜哉

齊人伐燕，取其財而俘其民。王朝而受俘，喜見于色。謂其大夫曰：「寡人之伐燕，不戮一人，為雖湯武亦若是而已矣。」

大夫皆頓首賀，已而燕人畔。王怒，曰：「吾之於燕民，盡心焉。一朝而畔，寡人德不足為，與淳于髡仰天大笑。王怪而問之，對曰：「臣鄰之富叟疾，使巫禱于神，神告之曰：『若能活物萬，吾當為若請于帝。』去爾疾，錫爾壽。富叟曰：『諾。』乃使人蒐于山，羅于林，罾于澤，得羽毛鱗介之生者萬，言于神而放之。因罟所及，鍛所戒翅而滅足者，嘈嘈聒聒，蔽野揜谷。明日而富叟死，其子往泣于巫，曰：「神亦有廷狂音乎？」問之，以實對。巫笑曰：「有是哉，是女實自廷，非神廷女也。今燕之君臣相為不道，而民無故也。君伐而取其財，遷其居，冤號之聲，訶殷天地鬼神，無所依歸。帝怒，不可解矣。而曰不戮一人。」



焉夫人饑則死凍則死不必皆以鋒刃而後謂之殺之也  
周詩曰樹怨以為德君實有焉而以尤燕民非臣之所知  
也

郁離子曰嗚呼天下之亂也天亦無如之何矣夫天下之  
物動者植者足者翼者毛者裸者鱗四立鱗如也佛如也  
拳如也森如也出出而不窮連連而不絕莫非天之生也  
則天之好生亦盡其力矣盡其力以生之又盡其力以殲  
之不亦勞且病哉其生也非一朝而其殲也在頃刻天若  
能如之何而為之則亦不誠甚矣

楚令尹疾內結區霧音茂得秦醫而愈乃言于王令國人有

疾不得之他醫無何楚大疫凡疾之之秦醫者皆死於是  
國人悉往齊求醫令尹怒將執之子良曰不可夫人之病  
而服藥也為其能救已也是故辛螫醜苦之劑甫廉切碱切  
熨灼之毒莫不忍而受之為其苦短而樂長也今秦醫之  
為方也不師古人而以臆謂岐伯俞跗為不足法謂素問  
難經為不足究也故其所用無非搜洩酷毒之物鉤吻戟  
喉之草葷心暈腦入口如鋒曾腸刮割彌日達夕肝膽沫  
裂故病去而身從之不如死之速也吾聞之擇禍莫若輕  
人之情也今令尹不求諸草茅之言而圖利其所愛其若  
天道何吾得死於楚國幸也



郁離子曰膏粱可以易豆羹狐貉可以奪緼絮民情之常也。是故膏粱不足豆羹可也。狐貉不足緼絮可也。野鳥繫于籠中而馴者以食也。籠中之不如山藪入其籠者知之。有童子側木槩而設食以誘鼠。多獲鼠。一夕逸其一。遂不復獲鼠。今使持檠葉之衣。麥麩下反之餅而招于市。曰捨爾室指而服而來與我共此。則雖其子亦走而避矣。是故不情之事大人不爲之。

楚王好祥有獻白鳥白鸚鵡木連理者羣臣皆賀荀卿不來王召而謂之曰寡人不佞幸賴先君之遺德群臣輯睦四鄙無事鬼神鑿格而降之祥大夫獨不喜焉願聞其故

荀卿對曰臣少嘗受教於師矣王之所謂祥者非臣之所謂祥也。臣聞王者之祥有三。聖人爲上。豐年次之。鳳凰麒麟爲下。而可以爲祥。可以爲妖者不與焉。故凡物之殊形詭色而無益於民用者皆可以謂之祥。可以謂之妖者也。是故先王之思治其國也。見一物之非常必省其政。以爲祥與則必自省。曰吾何德以來之。若果有之則益勉其未至。無則反躬自勵。畏其僭也。畏其易福而爲禍也。以爲妖與則必自省。曰吾何戾以致之。若果有之不待且而改之。無則夙夜祗惕。檢視聽之所不及。畏其蔽也。畏其有隱慝而人莫之知也。夫如是故祥不空來而妖虛其應。今三閭



大夫放於干湘鄢郢夷陵皆舉于秦耕夫牧子莫不荷戈以拒秦老弱餽餉水旱相仍饑饉無蓄雖有鳳凰麒麟日集于郊無補楚國之罅漏而沉於易色之鳥亂常之木乎王如不省楚國危矣王不寤荀卿乃退處蘭陵楚遂不振以亾

齊伐燕用田子之謀通徃來禁侵掠釋其俘而弔其民燕民皆爭歸之矣燕王患之蘇厲曰齊王非能行仁義者必有人教之也臣知齊王急近功而多猜不能安受教其將士又皆貪不能長受禁請以計中之乃陰使人道齊師要降者於途掠其婦人而奪其財於是降者皆畏弗敢進乃

使間招亾民亾民首鼠齊將士久欲掠而憚禁則因民之首鼠而言于王曰燕人叛齊王見降者之弗來也果大信之下令盡收拘降民之家田子諫不聽將士因而縱掠燕人遂不復思降齊

鄒離子曰善疑人者人亦疑之善防人者人亦防之善疑人者必不足於信善防人者必不足於智知人之疑已而弗舍者必其有所存也知人之防已而不避者必其有所倚也夫天下之大焉得盡疑而盡防之哉智不足以知賢否信不足以弭欺詐然後睢睢焉惟恐人以我之所以處人者處我也於是不任人而專任已於是謀者隱識者避



者愚功者拙廉者匿而圓曲頑鄙之士來矣圓曲頑鄙之士盈于前而疑與防愈急至於術窮而身債愈悔其防與疑之不足不亦痛哉  
郁離子曰嗚呼吾今而後知以評為直者之為天下後世害不少也夫天之生人不恒得堯舜禹湯文王以為之君然後及其次焉豈得已哉如漢之高祖唐之太宗所謂間世之英不易得也皆傳數百年天下之生賴之以安民物蕃昌蠻夷嚮風文物典章可觀其功不細乃必搜其失而斥之以自夸大使後世之人舉以為詞曰若是者亦足以受天命一九位則不師其長而效其短是豈非以評為直

者之流言哉或曰史直筆也有其事則直書之天下之公也夫奚評郁離子曰是儒生之常言而非孔子之訓也孔子作春秋為賢者諱故齊桓晉文皆錄其功非私之也以其功足以使人慕錄其功而不揚其罪慮人之疑之立敘之道也故詩書皆孔子所刪其於商周之盛主存其頌美而已矣

郁離子卷之上



